



Comuna de Durgali

REGULAMENTU COMUNALE PRO SA TZELEBRATZIONE DE SOS COJOS TZIVILES E SA COSTITUTZIONE DE SAS UNIONES TZIVILES

(Alligongiadu a sa Deliberatzione C.C. n. 25 de su 25.05.2023)



Art. 1 – OGETU E FINALIDADE DE SU REGULAMENTU

Su presente regulamentu disciplinat sas modalidades de organizatzione de sas fainas chi pertocant sa tzelebratzione de su coju tzivile e de sa costituzione de s'unione tzivile in su territòriu de sa Comuna, respetende sa normativa in vigore e cunforma a cantu prevididu dae s'art. 106 a s'art. 116 de su Còdighe Tzivilee de sa Lege n° 20/05/2016 n° 76.

Sa tzelebratzione de su coju e sa costituzione de s'unione tzivile est faina istituzionale a garantidaa sos tzitadinos, gasi comente prevididu dae su Còdighe Tzivile e de su vigente Regulamentu de Istadu Tzivile (D.P.R. 396/2000) e de sa Lege n° 20/05/2016 n° 76.

Art. 2 – FUNZIONI

Pro sa tzelebratzione de su coju e de s'unione tzivile su Sìndigu podet delegare sas funtziones de Ufizialedde Istadu Tzivile a sos dipendenti a tempus indeterminadu o a su Segretàriu Comunale.

Podent tzelebrare sos cojos tziviles fintzas Assessoris, Cussigeris Comunales o tzitadinos italianos chi tèngiant sos rechisitos pro s'elezione a Cussigeri Comunale abilitados a custu pro lege e delegados a posta dae su Sìndigu.

Art. 3 - LOGU DE SA TZELEBRATZIONE

Su coju tzivile e s'unione tzivile sunt tzelebrados in pùblicu, in cara de duos testimòngios de majore edade cun in fatu documentu idòneu de identidade in cursu de balidesa, a sos sentidos de s'art. 6 de su D.P.R. 396/2000, faghende dimanda sos interessados, a bandas chi in sa sala de sas tzelebratziones e in sa corte tochende in s'oru de sa sede de sa Comuna de Durgali in Bia Umberto n. 37, fintzas in sos logos sighentes chi pro s'occasione pigant sa nùmene de “Domo Comunale”:

- Marina de Cala Cartoe
- Parcu Prama de seda
- Àrea Archeològica Nuraghe Mannu
- Belvedere Cala Fuili

- Gruta de su Boe Marinu (Sala de sa "Dama Bionda")
- Marina de Cala Luna
- Gruta de Ispinigoli
- Bidditzolu Nuràgicu de Serra Orrios
- Tumba de sos Gigantes S'Ena 'e Thomes
- Àteros giassos idòneos, fintzas privados, destinados cun deliberatzione de giunta comunale a ufitziu istrecadude istadu tzivile cun caràtere de continuidade, prèviu cumbèniu cun sos sugetos meres de sos immòbiles interessados.

In sas moras de sa lograda de sas autorizatziones netzessàrias a banda de sos entes cumpetentes subra de sos logos de tzelebratzione chi non sunt propiedade de su Comuna de Durgali, sos cojos e sas uniones tziviles ant a pòdere èssere tzelebrados in sos àteros giassos inditados in subra a pustis de s'intrada in vigore de su presente regulamentu.

Sa tzelebratzione de sos cojos a foras de sa Casa Comunale e de sos logos autorizados podet acontèssere petzi in sos casos prevididos dae s'art. 110 de su còdighe tzivile (si una de sas partes pro infermidade o àteru impedimentu giustificadu a s'ufitziu de s'istadu tzivile, est in s'impossibilidade de andare a sa domo comunale, s'ufitziale si nche tràmutat cun su Segretàriu Comunale e bator testimòngios, in su logu in ue est s'isposu impeditu) e pro sa costituzione de sas uniones tziviles, petzi in sos casos prevididos dae s'art. 70-novies de su D.P.R.396/2000, introduidu dae su D.Lgs. n. 5/2017 (si una de sas partes de s'unione tzivile, pro infermidade o pro àteru impedimentu giustificadu a s'ufitziu de s'istadu tzivile, est in s'impossibilidade de andare sa domo comunale, s'ufitziale si nche tràmutat cun su Segretàriu in su logu in cale s'agatat sa parte impedita e, in cue, a sapresèntzia de duos testimòngios, protzedid a sa costituzione de s'unione tzivile).

S'in casu chi s' isposu tèngiat graves problemas de salute e apat giai fatu sas publicatziones dèvidas, at a dèvere pigare cuntatu cun s'Ufitziale de Istadu Tzivile, comunichende sos datos netzessàrios de sos isposos, su logu de tzelebratzione, sos datos cumpletos de sos testimòngios e su tzertificadu mèdicu chi atestat sa maladia grae chi est s'impossibilidade de andare in sa Domo Comunale. S'Ufitziale de Istadu Tzivile cun su Segretàriu Comunale at a andare a su logu pretzisu cun su tzertificadu mèigu pro sa tzelebratzione de su coju.

Pro sa tzelebratzione de su coju s'in casu de perìgulu de vida imbeniente, cheret a si pònnere in cuntatu in presse cun s'Ufitziale de Istadu Tzivile, comunichende sos datos netzessàrios de sos isposos, su logu de tzelebratzione, sos datos cumpletos de sos testimòngios e su tzertificadu mèdicu chi atestat chi s'isposu est in perìgulu de vida ma est capassu de cumprèndere: in custu casu non sunt netzessàriassas publicatziones.

S'Ufitziale de Istadu Tzivile achirida totu sa documentatzione netzessària andat a su logu istabilidu prosu coju, chi tzelebrat a sa presèntzia de su Segretàriu Comunale.

Art. 4 – DIMANDA DE TZELEBRATZIONE

Sa dimanda de tzelebratzione si presentat in s'Ufitziu de Istadu Tzivile prenende nche a posta sa dimanda sutascrita dae ambos sos isposos e indiritzada a s'Ufitziale de s'Istadu Tzivile.

Sa dimanda at a dèvere cuntènnere sas generalidades de sos tzitadinos interessados, sa data e s'ora de su coju, su sèberu de su règimene patrimoniale e s'indiritzu cando chi at a èssere istabilida sa residèntzia coniugale.

Sa dimanda relativa a sas tzelebratziones in sos logos indicados in s'art. 3 diversos dae sa sala de sas tzelebratziones dae sa corte bighina sa sede de su Comunu, s'at a dèpere imbiare a su mancu 60 (sessanta) dies in antis de sa data de su coju a s'Ufitziu cumpetente dae unu de sos duos tzitadinos interessados a sa tzelebratzione pro mèdiu de sa cunsigna de sa dimanda a s'Ufitziu Protocolu.

S'Ufitziu de Istadu Tzivile non prus a tardu de 15 (bindighi) dies de sa cunsigna de sa dimanda at a autorizare sa tzelebratzione in su logu pedidu o at a comunicare, in su modu o in sa forma chi si credet prus lestra, sas resones de sa retzida mancada de sa dimanda.

Sa tzelebratzione de su coju devet èssere pretzèdida dae sas publicatziones regulares de coju/rechesta de costituzione de unione tzivile, o de su verbale s'in casu de tzitadinos istràngios comenteprevìdidos dae s'art. 50 e s'ghentes de su D.P.R. 396 de su 03.11.2000.

Si in casu custas no acontesserent in sos tèrmines e in sos modos istabilidos dae sa lege, non s'at a pòdere protzedire a sa tzelebratzione e sa prenotatzione de su coju si nch'annullat in automàticu.

Art. 5 – DIES ED ORÀRIU DE TZELEBRATZIONE

Su coju/unione tzivile in base a su sèberu de sos interessados, est tzelebradu, in su respetu de sas dies e de sos oràrios istabilidos cun deliberatzione de sa Giunta Comunale. Est, comente si siat, subordinadu a sa disponibilidade de su Sìndigu o delegadu suo a sa tzelebratzione puru a sa disponibilidade, in manera cumpatibile cun sos bisòngios istituzionales, de su giassu rechestu.

Sas tzelebratziones sunt comente si siat in manera tassativa aiat suspesu durante sas s'ghentes festividades:

- 1 e 6 Ghennàrgiu
- Sa domìniga de Pasca e sa die imbeniente (Lunis de s'Angelo)
- 25 Aprile
- 1 Maju
- 2 Làmpadas
- 15 Austu
- 1 Santandria
- 25 Novembre (Patrona)
- 8, 25, 26 e 31 Nadale
- In sa die de consultatzione elettorale

Art. 6 – ORGANIZATZIONE DE SU SERVÌTZIU

S'Ufitziu Comunale cumpetente a s'organizatzione a sa tzelebratzione de sos cojos e de sas uniones tziviles est s'Ufitziu de Istadu Tzivile.

Sos isposos ant a dèvere declarare de àere pigadu bisione de s'istadu de sos logos seberados in antis.

S'Ufitziu de Istadu Tzivile at a emanare, in coordinamentu cun sos àteros ufitzios e meres eventuales e/o gestores de sas sedes seberadas, sos disponimentos netzessàrios a garantire chi sos servìtzios pedidos siant postos in atu in manera regolare.

Art. 7 – ASSENTU DE SA SALA/LOGU DE TZELEBRATZIONE

Sos chi faghent dimanda podent, a ispesas e contivìgiu issoro, pedire de arrichire sa sala o su giardinu o su logu de tzelebratzione cun arredos e aparatos chi a su tèrmine de sa tzerimònia in pagu tempus ant a dèvere èssere bogados de su totue, sempre a incàrrigu de sos chi faghent dimanda.

Sa sede seberada pro sa tzelebratzione de su coju o unione tzivile at a èssere a disponimentu pro sos aparatos eventuales cumintzende dae sas duas oras in antis a s'ora istabilida pro su cumintzu de sa tzerimònia. Sa sede devet èssere liberada intro sas duas oras sutzessivas de su tèrmine de sa tzerimònia. Tales òbligos, ant a pòdere èssere ogetu de deroga, de cuncordare in antis cun sos ufitzios.

Sa sala, su giardinu, su logu individuadu ant a dèvere duncas èssere torrados comente sunt istados cuntzèdidos pro sa tzelebratzione.

Su Comunu de Durgali si cumprendet pesadu dae cada responsabilidade presa a sa tenta de sos arredos e opellos postos pro s'occasione dae sos chi faghent dimanda.

Art. 8 – ÒBLIGOS PRO S'IMPREU

Est fata proibizione de sa ghetada de arrosu, coriàndolos, cunfetos e àteru materiale in intro de sa sala o àteru logu destinadu a sa tzelebratzione e in s'intrada de su comune.

Sa ghetada de s'arrosu o de àteru materiale est cunsentida petzi in sa corte tochende a su palatzu comunalesemper chi su sugetu chi faghent dimanda s'incàrrighet de innettare sa pratza cantu prima .

S'in casu non si tèngiat contu de custu disponimentu, francu identificatzione de su diretu responsabile, at a èssere addebitata a su sugetu chi faghent dimanda su costu de sas ispesas de innettata in prus.

S'in casu b'apat dannos a sas istruturas cuntzèdidas pro sa tzelebratzione, s'ammontare de su dannu, francu chi si iscat chie est su responsabile, at a èssere a càrrigu a su sugetu indicadu a sos sentidos de s'art. 4 de su regulamentu presente (sugetu chi faghent dimanda).

Art. 9 – COJU CUN S'AGIUDU DI UN'INTERPRETE.

S'in casu sos isposos o sos chi cherent costituire s'unione tzivile, o petzi unu de issos siant tzitadinos istràngios, divent dare mostra a s'ufitziale de s'Istadu Tzivile, in antis de sa tzelebratzione de su coju, de cumprèndere sa limba italiana.

S'in casu dimustrarent de non cumprèndere sa limba italiana, s'ant a dèvere avàlere de un'interprete comente ponet in sos artt. 13 e 66 de su D.P.R. 396/2000, chi ant a dèpere chircare sos isposos matessi.

S' interprete chie siat s'at a dèvere presentare a s'ufitziale de s'Istadu Tzivile a su mancu 5 (chimbe) dies in antis de sa tzelebratzione ammustrende unu documentu in cursu de balidesa, pro comunicare sa disponibilidade sua a pigare s'incàrrigu sutascriende, a sa presèntzia de sos isposos o de sos chi cherent costituire s'unione tzivile, verbale a posta in contu de sa capatzidade a fàghere sa tradutzione pedida.

Art. 10 – FORMALIDADES PRELIMINARES A SA TZELEBRATZIONE

Sa die previdida pro sa tzelebratzione, pro su acumprimentu regulare de sa matessi, ant a dèvere èssere presentes, in prus de sos tzitadinos interessados, sos duos testimòngios majores de edade fintzas parentes, cun infatu documentu de identidada in cursu de balidesa.

A su mancu 10 (deghe) dies in antis de sa data tenta in contu pro sa tzelebratzione sos isposos o chie si cheret unire in manera tzivile ant a dèvere cunsignare a s'ufitziu de Istadu Tzivile sa fotocopia de su documentu de identidada in cursu de balidesa de sos testimòngios.

Art. 11 – COSTU DE SU SERVÌTZIU

Sas tarifas dèvidas pro sa tzelebratzione de sos cojos e de sas uniones tziviles sunt istabilidas e aggiornadas cun deliberatzione de sa Giunta Comunale.

In sa determinatzione de sas tarifas si tenet contu de sos custos collegados a s'acumprimentu de su servìtziu, de sos custos de impreu de sos ufizios separados de istadu tzivile istituidos a sos sentidos e pro sos efetos de sos chi a s'art. 3 de s'Ordinamentu de s'Istadu Tzivile, siat in sedes de propiedade comunale chi privada o comente si siat de sugetos/entes de tres, e de sos custos de su servìtziu prestadu in tales sedes a banda de sos dependentes comunales e/o ditas affidatarie de su servìtziu.

Mescamente in sa determinatzione de sas tarifas s'at a tènnere contu de su costu de sos impitos, de sos cànones, de sas pulitzias, de sos mancados intròitos causados dae sa serrada de sos giassos turisticos a su pùblicu, de su trasportu de su personale e de sas atrezaduras netzessàrias e, in casu de acumprimentu de su servìtziu a su de foras de s'oràriu de traballu, de su costu tabellare de su personale impiegadu.

S'importu de sa tarifa at a èssere diversificadu a segunda de sa nàschida o residèntzia o prus pagu in su Comunu de Durgali de a su mancu unu de sos sugetos interessados a sa tzelebratzione, puru de su logu de tzelebratzione.

Sa tarifa devet èssere versada a sa Tesoreria de su Comunu a su mancu 30 (trinta) dies in antis de sa data previdida pro sa tzelebratzione. Non prus a tardu de custu tèrmine sos chi faghent dimanda ant a dèvere fàghere cròmpere a s'Ufitziu Istadu Tzivile sa documentatzione de su versamentu fatu, pena sa rèveca de sa disponibilidade de sos ispàtzios e oràrios.

In casu sos servìtzios pedidos no esserent prestados, in totu o in parte pro càusa imputàbile a su Comunu, s'at a fàghere a manera de torrare totu o in parte sas summas chi s'in casu currispondant, cunforma a sos servìtzios non prestados.

Perunu rimbursu at a tocàre si sa prestatzione mancada de sos servìtzios pedidos siat de imputare a sas partes richiedentes. Si imbetzes sa prestatzione mancada de sos servìtzios siat de imputare a càusas de forza majore at a èssere proposta un'àtera sede pro sa tzelebratzione. Semper e cando s'àtera sede disponibile previdat su pagamentu de una tarifa diferente at a dèvere èssere currisposta o torrada sa diferèntzia.

Art. 12 – IMPREU DE SU TRASTU PUBLITZITÀRIU

A su fine de promòvere e crèschere sas tzelebratziones e tziviles gasi organizadas, s'Amministratzione Comunale, s'avalet de s'ufitziu turisticu de su Comunu pro sa promotzione turistica locale, natzionale e internatzionale.

Ant a pòdere, in prus, èssere ammaniadus progetos deretos a isvilupare su dare a connòschere de custa iniziativa pro mèdiu de sa comunicatzione de massa avalende si de sa rete telemàtica (internet), de s'imprenta, de sa televisione e de cada àteru trastu de informatzione cumpatibile cun custa finalidade.

Art. 13 – DISPONIMENTOS FINALES

Pro cantu non prevididu dae su regulamentu presenet s'òperat su rinvio dinàmicu a sas normas de lege vigentes in sa matèria e mescamente Còdighe Tzivile, D.P.R. 3 santandria 2000 n. 396, D. Lgs. 18 agosto 2000 n. 267, Legge n. 20 maggio 2016 n. 76.

Cantu non prevididu in su presente regulamentu at a dèvere èssere preventivamente cuncordadu cun s'Ufitziude Istadu Tzivile chi nd'at a averguare fintzas sa currispondèntzia a sa lege vigente.

Art. 14 – INTRADA IN VIGORE E PUBLITZIDADE

Su presente regulamentu, a pustis de s'aprovatzione sua a banda de su Cussìgiu Comunale, at a èssere publicada s'Albu Pretòriu bindighi dies consecutivas, intrende a vigore sa die sutzessiva.

Dae tale data ant a èssere abrogados totu sos disponimentos chi andent contra a issu.

Còpia de su regulamentu presente, pro chi sos interessados nde potzant pigare bisione in cale si siat momentu, at a èssere disponibile acanta s'Ufitziu de Istadu Tzivile, in prus de chi consultàbile subra de su situ internet de sacomuna.

In bia de prima aplicatzione de su presente regulamentu no ant a èssere sugetos a su pagamentu de su rimbursos cojos tziviles giai autorizados.

Non sunt prevìdidas derogas si inditadas in manera pagu crara in su regulamentu presente.

Attività realizzata con il contributo della Regione Sardegna-LR 22/2018, art.10

[Reglamentu aprovalu cun deliberatzione C.C. n _ de su 25/05/2023 pag. 5](#)